



## ՓՈԽՀԱԲՈՆՄԱՆ ՀՈՒՇԱԳԻՐ

ՄԱԿ-Ի ՄԱՆԿԱԿԱՆ ՀԻՄՍԱԴՐԱՄԻ /ՅՈՒՆԻՍԵՖ/,

ԼՈՌՈՒ ՄԱՐԶՊԵՏԱՐԱՆԻ

ԵՎ

ԱԼԱՎԵՐԴՈՒ ԲԱԶՄԱԲՆԱԿԱՎԱՅՐ ԽՈՇՈՐԱՑՎԱԾ ՀԱՄԱՅՆՔԻ

ՄԻՋԵՎ

ՀՀ ԱԼԱՎԵՐԴՈՒ ԲԱԶՄԱԲՆԱԿԱՎԱՅՐ ԽՈՇՈՐԱՑՎԱԾ  
ՀԱՄԱՅՆՔՈՒՄ

ԵՐԵԽԱՆԵՐԻ ՀԱՄԱՐ ՀԱՄԱՅՆՔԱՅԻՆ ՍՈՑԻԱԼԱԿԱՆ ԵՎ  
ԱՂԵՏՆԵՐԻ ՈՒՍԿԵՐԻ ՆՎԱԶԵՑՄԱՆ ԾՐԱԳՐԵՐԻ  
ԶԱՐԳԱՑՄԱՆ ԵՎ ԻՐԱԿԱՆԱՑՄԱՆ ՄԱՍԻՆ



## ՆԱԽԱԲԱՆ

Սույն փոխըմբռնման հուշագիրը (այսուհետ՝ Հուշագիր) արտացոլում է կողմերի (այսուհետ Կողմեր) համատեղ համագործակցության ըմբռնումը և համաձայնությունը համայնքային սոցիալական և աղետների ռիսկերի նվազեցման ծրագրերի իրականացման ընթացքում Հայաստանում ՅՈՒՆԻՄԵՖ-ի 2016-2020թթ. Գործունեության ծրագրի (այսուհետ՝ Ծրագիր) շրջանակներում:

**Հաշվի առնելով այն,** որ ՅՈՒՆԻՄԵՖ-ը և Հայաստանի կառավարությունը ճանաչել են 0-6 տարեկան աղջիկների և տղաների և նրանց ընտանիքների իրավունքների իրացման առումով առաջընթացը դեպի որակյալ և վաղ մանկության տարիների ներառական կրթական ծառայություններ, ինչպես նաև խոցելի ընտանիքների կարիքների վրա հիմնված ծառայությունների մշակումը ուղղված խնամք ապահովող, պաշտպանող և դիմակայուն ընտանեկան միջավայրում ապրելու երեխայի իրավունքի իրացմանը, որպես Ծրագրում ամրագրված առանցքային ռազմավարական ծրագրային ոլորտ,

**Հաշվի առնելով այն,** որ ՅՈՒՆԻՄԵՖ-ը և Հայաստանի կառավարությունը նաև ճանաչել են ինտեգրված սոցիալական ծառայությունների /ԻՄՍ/ բարեփոխումները, որպես 2019-2020թթ. Երկամյա համատեղ աշխանանքային ծրագրի /ԵՀԱՄ/ հիմնական արդյունք՝ խոցելի ընտանիքների և երեխաների սոցիալական պաշտպանության արդյունավետությունը, մատչելիությունը, համապատասխանությունը և թիրախավորումը՝ բարելավելու ու մարդու սոցիալական անվտանգությունը ապահովելու նպատակով,

**Հաշվի առնելով այն,** որ ՅՈՒՆԻՄԵՖ-ը և Հայաստանի կառավարությունը ճանաչել են հաշմանդամություն ունեցող աղջիկների և տղաների և նրանց ընտանիքների իրավունքների իրացման առումով առաջընթացը դեպի որակյալ և վաղ մանկության տարիների ներառական, ինտեգրված և կարիքների վրա հիմնված ծառայությունների մշակումը ուղղված համայնքում մատչելի և որակյալ նախադպրոցական, առողջապահական և սոցիալական պաշտպանության ծառայությունները ապահովելու, խնամք և պաշտպանող ընտանեկան միջավայրում ապրելու երեխայի իրավունքի իրացմանը, որպես Ծրագրում ամրագրված առանցքային ռազմավարական ծրագրային ոլորտ, ինչպես նաև հիմք ընդունելով Հաշմանդամություն ունեցող անձանց իրավունքների մասին ՄԱԿ-ի կոնվենցիան, որը վավերացվել է Հայաստանի կառավարության կողմից 2010թ-ին, և որի նպատակն է սատարել պաշտպանել և ապահովել հաշմանդամություն ունեցող բոլոր անձանց իրավունքների, հիմնարար ազատությունների լիակատար և հավասար իրացումը, և ներառումը հասարակություն,

**Հաշվի առնելով այն,** որ ՅՈՒՆԻՄԵՖ-ը և Հայաստանի կառավարությունն ընդունել են երեխաների իրավունքների իրացման համար պետական բյուջետավորման իրականացման կարևորությունը համաձայն Երեխայի իրավունքների մասին կոնվենցիայի /ԵՀԿ/ Հոդված 4-ի և համապատասխան ԵՀԿ-ին կից թիվ 19 (2016) Հիմնական դիտարկման, ինչպես նաև Երեխաներին ուղղված պետական ֆինանսների մի շարք



գործողություններ՝ որպես ԵՀԱԾ փաստաթղթերում ամրագրված խաչվող նախաձեռնություններ,

**Հաշվի առնելով այն, որ Կողմերը ճանաչել են յուրաքանչյուր երեխայի զարգացման և վաղ կրթության կարևորությունը, հատկապես Հայաստանի մարզերում և առավել խոցելի քնակավայրերում,**

**Հաշվի առնելով այն, որ Կողմերն ընդունում են Հայաստանում ներկայումս իրականացվող համայնքների խոշորացման վարչա-տարածքային և հանրային կառավարման բարեփոխման գործընթացը՝ որպես երեխայի իրավունքի հետագա իրականացման հնարավորություն կրթության, մասնավորապես վաղ զարգացման և ուսուցման ոլորտում, ինչպես նաև սոցիալական պաշտպանության ոլորտում՝ պահպանելով այդ ջանքերը համապատասխան իրավական, քաղաքական և բյուջետային շրջանակներում,**

**Հաշվի առնելով այն, որ Կողմերը ընդունում են ՅՈՒՆԻՍԵՖ-ի կողմից Հայաստանում իրականացված 2-6 տարեկան երեխաների համար համայնքահեն ինտեգրված ծառայությունների մոդելը, այլընտրանքային նախադպրոցական մեթոդաբանությունների մոդելը, տեղական/տարածքային սոցիալական պլանավորման մեթոդաբանությունը, դպրոցների և տեղական մակարդակում ոիսկի կառավարման մեթոդաբանությունը, դպրոցների և նախադպրոցական հաստատությունների համալիր անվտանգությունը, որպես ընդլայնելի, կիրառելի և արդյունավետ նախաձեռնություններ:**

Հիմք ընդունելով փոխադարձ վստահությունը և սերտ համագործակցությունը՝ Կողմերն այսուհետ համաձայնում են հետևյալի մասին.

## 1. ՆՊԱՏԱԿՆ ՈՒ ՇՐՋԱՆԱԿԸ

1.1 Սույն Հուշագրի նպատակն է սահմանել Կողմերի իրավունքներն ու պարտականությունները Լոռու մարզի Ալավերդու բազմաբնակավայր համայնքում 0-6 տարեկան երեխաների համար համայնքահեն ինտեգրված ծառայությունների իրականացման ընթացքում, որոնք նկարագրված են մանրամասնորեն սույն Հուշագրի հավելված 1-ում:

1.2 Հուշագրի նպատակն է նաև սահմանել Կողմերի իրավունքներն ու պարտականությունները Լոռու մարզի տարածքային սոցիալական ծրագրի մշակման և Ալավերդու բազմաբնակավայր համայնքում համայնքային սոցիալական ծրագրերի մշակման և իրականացման համար, ներառյալ ինտեգրված սոցիալական ծառայությունների բարեփոխումները:

1.3 Ապահովել երեխաների անվտանգությունը նախադպրոցական հաստատություններում:

1.4 Հուշագիրը պետք է վերահսկի համայնքահեն ինտեգրված ծառայությունների և համայնքային/տեղական սոցիալական ծրագրերի իրականացման, կառավարման,



Ֆինանսավորման, հաշվետվությունների ապահովման և համայնքին հանձնման գործընթացների հետ կապված պարտավորությունների կատարումը:

## 2. ԿՈՂՄԵՐԻ ԻՐԱՎՈՒՔՆԵՐԸ ՈՒ ՊԱՐՏԱԿԱՆՈՒԹՅՈՒՆՆԵՐԸ

2.1. Կողմերը համաձայնում են իրականացնել իրենց պարտականությունները սույն Հուշագրի դրույթներին համապատասխան և ըստ լիարժեք հաշվետվողականության, թափանցիկության, ներքին կառավարման վերահսկման սկզբունքների և նշված վերահսկողության մեխանիզմների:

### 2.1.1. ՑՈՒՒՏԱԾ-ը համաձայնում է՝

- Համակարգել բոլոր Կողմերի գործողությունները՝ համայնքում 0-6 տարեկան երեխաների համայնքահեն ինտեգրված ծառայությունների և համայնքային/տեղական սոցիալական ծրագրերի մշակման և իրականացման ընթացքում,
- Աջակցել համայնքային/տեղական սոցիալական ծրագրի և ծրագրերի կազմման գործում տարածքային առանձնահատկությունների, տարածքում առկա խնդիրների հաշվառմամբ՝ կարճաժամկետ և միջնաժամկետ կտրվածքով՝ համայնքի (տարածքի) սոցիալական կարիքների գնահատման և հաստատված մեթոդաբանության հիման վրա<sup>1</sup>,
- Ապահովել վերահսկողություն, ուղղորդում և փորձագիտական աջակցություն ծրագրի իրականացման ընթացքում, ինչպես նաև համայնքահեն ինտեգրված ծառայությունների և համայնքային/տեղական սոցիալական ծագրերի մշակման և իրականացման փորձի և գիտելիքների փոխանակում,
- Ապահովել ֆինանսական միջոցների տրամադրումն իրականացնող գործընկեր կազմակերպություններին՝ համաձայն համատեղ մշակված աշխատանքային պլանի, և յուրաքանչյուր ծրագրային արդյունքի հաջող իրագործման նպատակով,
- Հետևել անվտանգության պահպանման հարցերին, և/կամ հաստատել շինարարական նախագծերը, ընտրված տեղամասերը՝ հաշվի առնելով անվտանգության չափորոշիչները, և վերահսկել ընտրված տարածքների վերականգնողական աշխատանքները,
- Աջակցել համայնքում գործող նախադպրոցական հաստատությունների և ծառայությունների համալիր անվտանգության բարելավմանը՝ հաստատության աղետների կառավարման պլանների մշակման և կարողությունների զարգացման միջոցով,

<sup>1</sup> ՀՀ տարածքային կառավարման նախարարի 26.12.12 թ. N 178-Ա ՀՀ աշխատանքի և սոցիալական հարցերի նախարարի 24.12.12թ. N124-Ա/1 համատեղ իրամանի Համայնքի սոցիալական կարիքների գնահատման, դրա հիման վրա սոցիալական ծրագրերի մշակման մեթոդական ուղղություն

ՀՀ կառավարության 10 սեպտեմբերի 2015 թվականի N 1061-Ն որոշում, Սոցիալական ծառայություններ տրամադրող տարածքային մարմինների լիազորությունների իրականացման և սոցիալական ծառայությունների տրամադրման կարգն ու պայմանները սահմանելու մասին



- Մշտադիտարկել և վերահսկել համայնքահեն ինտեգրված ծառայությունների և համայնքային/տեղական սոցիալական ծրագրերի մշակումը, աջակցել ընտրված ծրագրերի իրականացմանը և նպաստել ծրագրերի կայունության ապահովմանը,
- Փաստաթղթավորել առաջընթացը և ապահովել փաստերի վրա հիմնված քաղաքականության իրազեկում համապատասխան նախարարությունների հետ՝ նոր ստեղծված ծառայությունների կայունությունն ապահովելու նպատակով:

#### 2.1.2. Լոռու մարզետարանը համաձայնում է՝

- Համակարգել Հուշագրի շրջանակներում իրականացվող ծրագրերը,
- Վերահսկել ծրագրերի արդյունավետ իրականացումը պլանավորված ժամանակի սահմաններում,
- Մշակել տարածքային սոցիալական ծրագիր, հաշվի առնելով տարածքային առանձնահատկությունները, տարածքում առկա խնդիրները՝ կարճաժամկետ և միջնաժամկետ կտրվածքով՝ մարզի սոցիալական կարիքների գնահատման և հաստատված մեթոդաբանության հիման վրա,
- Ներառել կամ արտացոլել մշակված տարածքային սոցիալական ծրագիրը մարզի գարգացման Ռազմավարության մեջ,
- Աջակցել միջզերատեսչական, հատկապես՝ սոցիալական, կրթական և առողջապահական օղակների միջև համագործակցությանը Հուշագրի շրջանակներում իրականացվող ծրագրերի արդյունավետ իրականացման նպատակով,
- Աջակցել Հուշագրի շրջանակներում իրականացվող ծրագրերի կայունության, ներառյալ ֆինանսական ապահովմանը,
- Աջակցել լավագույն փորձի և արդյունքների հանրայնացմանը:

#### 2.1.3. Ալավերդու համայնքը համաձայնում է՝

- Համակարգել համայնքում երեխաների համար համայնքահեն ինտեգրված ծառայությունների գարգացմանն և իրականացմանը վերաբերող բոլոր գործողությունները՝ կենտրոնանալով հատկապես Ալավերդու թիվ 6 մանկապարտեզի վրա, համաձայն սույն Հուշագրին կից Հավելված 1-ի,
- Ապահովել երեխաների համար համայնքահեն ինտեգրված ծառայությունների հետ կապված գույքի/ակտիվների համար պատասխանատու անձանց նշանակումը/լիազորումը Ալավերդու թիվ 6 մանկապարտեզում,
- Ապահովել նշանակված պատասխանատու անձանց մասնակցությունը երեխաների համար համայնքահեն ինտեգրված ծառայություններին և համայնքային սոցիալական ծրագրերին վերաբերող բոլոր վերապատրաստումներին և հանդիպումներին,
- Տրամադրել համապատասխան միջոցներ Հուշագրի շրջանակներում ընտրված տարածքների վերականգնողական աշխատանքների իրականացման համար՝ համաֆինանսավորման սկզբունքով,
- Լրացնել համայնքային սոցիալական աշխատողի հաստիքը՝ համայնքային բյուջեի ներքո,



- Զեավորել համայնքային ծրագիրը մշակող հանձնաժողով և աշխատանքային խումբ, ուսումնասիրել համայնքի սոցիալական կարիքները, խնդիրները սահմանել և գնահատել ըստ սոցիալական խմբերի, նկարագրել համայնքում տրամադրվող սոցիալական ծառայությունները, սահմանել և գնահատել ինտեգրված կամ ըստ սոցիալական խմբերի խնդիրների, որոշել ծրագրերի առաջնահերթությունները և իրականացնել համայնքային սոցիալական ծրագիր՝ ներառելով այն համայնքի հնգամյա զարգացման ծրագրում և առաջնորդվելով իրավական ակտերով սահմանված տարածքային սոցիալական ծրագրերի մեթոդաբանությամբ,
- Սահմանել համապատասխան ֆինանսական հատկացումներ համայնքային բյուջեում՝ համայնքային սոցիալական ծրագրերի և համայնքահեն ինտեգրված ծառայությունների արդյունավետ իրագործման նպատակով, մասնավորապես անձնակազմի պահպանման հետ կապված /լրիվ կամ կես դրույքով նեղ մասնագետների, հատուկ մանկավարժների առկայություն/,
- Ապահովել համայնքահեն ինտեգրված ծառայությունների և համայնքային սոցիալական ծրագրերի արդյունավետ գործունակությունն առնվազն հինգ տարի ժամանակահատվածում՝ համայնքային բյուջեում արտացոլված համապատասխան պարտավորությամբ սկսած ծրագրի արդյունքների փաստացի հանձնման պահից, մասնավորապես շարունակական պահպանման և ընթացիկ վերանորոգումների մասով /անհրաժեշտության դեպքում/,
- Ապահովել համայնքում գործող նախադպրոցական հաստատությունների ոչ կառուցվածքային ռիսկերի նվազեցումը և ներառել կառուցվածքային ռիսկերի մեղմացման աշխատանքային պլանը համայնքի հնգամյա զարգացման ծրագրում,
- Գրանցել համայնքահեն ինտեգրված ծառայություններին և համայնքային սոցիալական ծրագրերին վերաբերող հիմնական ակտիվները համայնքի հաշվեկշռում՝ երաշխավորելով տվյալ ակտիվների համայնքային սեփականության իրավունքը /համայնքի ավագանու որոշում համապատասխան ակտիվները համայնքային սեփականության կապիտալ ակտիվների ցանկում գրանցելու և Ալավերդու համայնքին հատկացնելու մասին/,
- Ապահովել միջգերատեսչական, հատկապես՝ սոցիալական, կրթական և առողջապահական օղակների միջև համագործակցությունը Հուշագրի շրջանակներում իրականացվող ծրագրերի արդյունավետ իրականացման նպատակով,
- Տեղեկացնել Կողմերին ծրագրի իրականացման ընթացքում առաջացող հարցերի/խնդիրների և փոփոխությունների մասին,
- Խթանել և իրազեկել համայնքահեն ինտեգրված ծառայությունների ընդլայնումը այլ բազմաբնակավայր խոշորացված համայնքներում /կլաստերներում/՝ փորձի փոխանակման միջոցով,
- Աջակցել լավագույն փորձի և արդյունքների հանրայնացմանը:

## 2.2. Կողմերի իրավունքները

2.2.1. Կողմերն իրավունք ունեն ցանկացած ժամանակ տեղեկատվություն ստանալ, ստուգել և բացատրություն պահանջել ցանկացած մյուս Կողմի



պարտականությունների, մատուցվող ծառայությունների ընթացքի և որակի, ինչպես  
նաև Հուշագրում սահմանված այլ գործողությունների վերաբերյալ համապատասխան  
սույն Հուշագրի դրույթների և Հավելված 1-ի պահանջների:

2.2.2. Միակողմանի լուծել սույն Հուշագիրը, եթե Կողմերից մեկը էականորեն խախտել է  
սույն Հուշագրի դրույթները:

#### 2.2.2.1. Խախտումն էական է համարվում, եթե

- ա/ մատուցված ծառայությունը կամ գործողությունը չի համապատասխանում  
սույն Հուշագրի դրույթներին կամ Հավելված 1-ով սահմանված պահանջներին,  
բ/ խախտվել են ծառայության մատուցման ժամկետները:

### 3. ՀԱՇՎԵՏՎՈՒԹՅՈՒՆ

3.1. Համայնքը կտրամադրի բովանդակային և ֆինանսական հաշվետվություններ  
ՅՈՒՆԻՍԵՖ-ին՝ ծրագրի իրականացման ընթացքում՝ ըստ անհրաժեշտության:

### 4. ՎԵՃԵՐԻ ԼՈՒԾՄԱՆ ԿԱՐԳԸ

4.1. Բոլոր վեճերն ու տարածայնությունները, որոնք կարող են ծագել սույն Հուշագրի  
առնչությամբ, կկարգավորվեն Կողմերի միջև բանակցությունների միջոցով: Եթե Կողմերը  
չհասնեն համաձայնության, վեճերը կլուծվեն ՀՀ և/կամ միջազգային օրենսդրությամբ  
սահմանված կարգով:

### 5. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՄ-ՄԱԺՈՐ)

5.1. Սույն Հուշագրով սահմանված պարտավորություններն ամբողջությամբ կամ  
մասնակիորեն չկատարելու դեպքում՝ Կողմերն ազատվում են  
պատասխանատվությունից, եթե դա եղել է անհաղթահարելի ուժի ազդեցության արդյունք,  
որը ծագել է սույն Հուշագիրը կնքելուց հետո, և, որը Կողմերը չեն կարող նախատեսել կամ  
կանխարգելել: Այդպիսի իրավիճակներն են՝ երկրաշարժը, ջրհեղեղը, պատերազմը,  
ռազմական և արտակարգ դրության հայտարարումը, քաղաքական հուզումները,  
գործադրությունները, հաղորդակցության միջոցների աշխատանքի դադարեցումը, պետական  
մարմինների ակտերը և այլն, որոնք անհնար են դարձնում սույն Հուշագրով սահմանված  
պարտավորությունների կատարումը: Եթե անհաղթահարելի ուժի ազդեցությունը  
շարունակվում է 3 ամսից ավելի, ապա Կողմերից յուրաքանչյուրն իրավունք ունի լուծելու  
Հուշագիրը՝ դրա մասին նախապես տեղյակ պահելով մյուս Կողմին կամ Կողմերին:



## 6. ԵԶՐԱՓԱԿԻՉ ԴՐՈՒՅԹՆԵՐ

6.1. Հուշագիրը կարող է փոփոխվել Կողմերի լիազոր ներկայացուցիչների գրավոր փոխադարձ համաձայնությամբ: Սույն Հուշագիրն ուժի մեջ է մտնում Կողմերի ստորագրելուց հետո և ուժի մեջ է մնում, քանի դեռ չի փոփոխվել կամ դադարեցվել Կողմերից որևէ մեկի կողմից փոխադարձ համաձայնությամբ:

6.2. Յուրաքանչյուր Կողմ կարող է ամբողջությամբ կամ մասամբ դադարեցնել սույն Հուշագիրը այլ Կողմերին ներկայացնելով իր գրավոր ծանուցումը երեսուն (30) օր առաջ: Մասնակի դադարեցման դեպքում՝ այդպիսի ծանուցումը պետք է պարունակի դադարեցվող գործունեության ցանկը:


6.3. Ի հաստատում վերոհիշյալի՝ ներքոստորագրյալներս, լինելով պատշաճ կերպով լիազորված, ստորագրեցինք սույն Հուշագիրը Վանաձոր քաղաքում, հայերեն և անգլերեն լեզուներով՝ երեք օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

## ԱՏՈՐԱԳՐՈՒԹՅՈՒՆՆԵՐ

Լոռու մարզպետարան

Անդրեյ Ղուկասյան

Մարզպետ



30.04.2018

Ալավերդու խոշորացված համայնք

Սասուն Խեցումյան

Համայնքի ղեկավար

Ստորագրություն

Ամսաթիվ

30.04.2018

ՅՈՒՆԻՍԵՖ Հայաստան

Տափա Ռադոսյան

Ներկայացուցիչ

Ստորագրություն

Ամսաթիվ





**Հավելված 1. Երեխաների համար համայնքահեն ինտեգրված ծառայությունների ծրագրի ընդհանուր նկարագրություն և իրականացման չափորոշիչներ և պահանջներ**

**1.1. Համայնքահեն ինտեգրված ծառայությունների համար ընտրված տարածքի նախապատրաստում**

Կախված այն բանից, թե համայնքը 2-6 տարեկան երեխաների համար նախատեսված համայնքահեն ինտեգրված ծառայություններ ներդնելու համար ինչ մանկապարտեզ է ընտրում, տարածքը կարող է լինել գործող մանկապարտեզի շենքում գտնվող մեկ մասնաշենքի առաջին հարկը՝ բազմամասնագիտական ծառայություններ տրամադրելու համար նախատեսված սենյակների և խաղասենյակի համար:

**1.2. Ընտրված տարածքին ներկայացվող հիմնական պահանջները հետևյալն են.**

- բնական և արհեստական լուսավորության առկայություն,
- խմելու ջրի առկայություն կամ հնարավորություն,
- առանձին մուտք կամ երեխաների ելումուտի համար ապահով պայմաններ (առաջին հարկ, ոչ բարձր աստիճաններ, թեքահարթակ, անվտանգ տեղաշարժվելու հնարավորություն և այլն),
- հոսող ջրով ապահովված, զուգարանի առկայություն շենքի ներսում,
- բացօթյա ապահով խաղային տարածքի կամ խաղահրապարակի առկայություն՝ բակային և սպորտային խաղերի համար:

**1.3. Երեխաների անվտանգության ապահովում**

1.3.1. Համայնքահեն ինտեգրված ծառայության տարածում երեխաների անվտանգությունը պետք է ապահովված լինի ինչպես շենքի ներսում, այնպես էլ դրասում: Մանկապարտեզում (ներառյալ համայնքահեն ինտեգրված ծառայության տարածում) գտնվելու ողջ ընթացքում յուրաքանչյուր երեխա պետք է գտնվի դաստիարակի/ հատուկ մանկավարժի տեսադաշտում:

1.3.2. Խաղերը, ուսումնական սարքավորումները և կահույքը չպետք է ունենան սուր անկյուններ, եզրեր, ժանգուր և շամրացված մասեր: Կահույքը և սարքավորումները պետք է այնպես դասավորված լինեն, որ խաղի ժամանակ երեխաներին չխանգարեն և վնասվածք չպատճառեն:

1.3.3. Էլեկտրական տարացուցիչները պետք է երեխաների հասանելիությունից դուրս լինեն, և երբեք ոչ մի բաց էլեկտրական լար չպետք է լինի սենյակում:

1.3.4. Շարժական աստիճանները, սահարանները և ճոճանակները պետք է դրված լինեն դրանց համար հատուկ նախատեսված տեղերում: Բոլոր սարքավորումները պետք է լավ տեղադրված, ամրացված և ներկված լինեն: Խաղահրապարակի առկայության պարագայում այն պետք է ծածկված լինի ավագով, խիճով, մանր խոտով կամ էլ ուսինե ծածկով: Թունավոր և փշոտ բույսեր չպետք է աճեն մանկապարտեզի տարածում:

1.3.5. Համայքահեն ինտեգրված ծառայություններ տրամադրող հատվածը պետք է ունենա արտակարգ իրավիճակների համար տարհանման (էվակուացիայի) պլան և



հասանելի կրակմարիչներ: Հատուկ մանկավարժը/դաստիարակը կամ նշանակված մի այլ մեծահասակ պետք է պատասխանատու լինի երեխաներին տարհանմանը պատրաստելու և արտակարգ իրավիճակներում նրանց առաջնորդելու համար:

1.3.6. Տարածքի մուտքը և ելքը պետք է կողղեքով փակված չլինեն, և ոչ մի խանգարող բան չպետք է լինի մտնելու և դուրս գալու համար:

#### **1.4. Սանիտարակիզմիկ նորմեր**

1.4.1. Համայքահեն ինտեգրված ծառայություններ տրամադրող հատվածը պետք է պահպակած լինի մաքրելու անհրաժեշտ միջոցներով և պարագաներով (ավել, սրբիչներ, խոզանակներ, մաքրող-ախտահանող նյութեր և այլն), որպեսզի երեխաների համար ստեղծված միջավայրը միշտ լինի մաքրու, հիգիենիկ և ապահով առողջության համար:

1.4.2. Սանիտարակիզմը պետք է լինի մատչելի, երեխայի չափերին համապատասխան, մաքրու, հարմարավետ, հայելիով: Երեխան պետք է այնտեղ ազատ ելումուտ ունենա, կարողանա ինքնուրույն օգտվել դրանից: Զուգարանակոնքերը պետք է լինեն ցածր, երեխայի հասակին համապատասխան, լվացարանները՝ լվացվելու հարմար: Յուրաքանչյուր երեխա պիտի ունենա իր անհատական սրբիչը և բաժակը: Եվ սանիտարակիզմը, և՝ խմբասենյակում փակ աղբամաններ պիտի լինեն:

1.4.3. Հանդերձարանը կարող է խմբասենյակի մաս կազմել կամ առանձին սենյակում լինել: Կոշիկների տեղը կարող է անհատական պահարանում լինել:

#### **1.5. Համայնքահեն ինտեգրված ծառայություններ տրամադրող աշխատակազմի (հատուկ մանկավարժների/դաստիարակների և նեղ մասնագետների) ընտրություն և վերապատրաստում**

1.5.1. Ըստրվող հատուկ մանկավարժներին/դաստիարակներին, հատուկ մանկավարժների օգնականներին և նեղ մասնագետներին ներկայացվող որակավորման պահանջներն են՝

Համայնքահեն ինտեգրված ծառայության հատուկ մանկավարժը/դաստիարակը պետք է ունենա միջին մասնագիտական կամ բարձրագույն (բակալավր, դիվլումավորված մասնագետ, մագիստրոս) մասնագիտական կրթություն՝ համապատասխան որակավորմամբ կամ վերջին հինգ տարվա ընթացքում նախադպրոցական կրթության ոլորտում կամ մանկավարժական գործունեության առնվազն երեք տարվա աշխատանքային ստաժ:

Բացի վերոհիշյալից, թեկնածուներին առաջադրվող պահանջները, ներառում են նաև խոսրի գրագիտություն, մասնակցություն համայնքում իրականացվող այլ ծրագրերին, երեխաների և ծնողների հետ աշխատելու մոտիվացիա, համայնքում ունեցած բարձր վարկանիշ և այլն:

1.5.2. Ըստրվող նեղ մասնագետներին (Փիզիկական թերապիստ, հոգեբան, երգոթերապիստ, լոգոպեդ) ներկայացվող որակավորման պահանջներն են՝

Համայնքահեն ինտեգրված ծառայության նեղ մասնագետները (Փիզիկական թերապիստ, հոգեբան, երգոթերապիստ, լոգոպեդ) պետք է ունենան՝ համապատասխան մասնագիտական բազային կրթություն՝ համապատասխան որակավորմամբ, ցանկալի է



նաև վերջին հինգ տարվա ընթացքում երեք տարվա աշխատանքային փորձ երեխաների հետ:

1.5.3. Հատուկ մանկավարժների/դաստիարակների, նեղ մասնագետների վերապատրաստում, որն իրականացվում է փուլերով: Աշխատանքը պետք է ընդունվի կենտրոնացված վերապատրաստումներ և տեղերում անհատական մասնագիտական խորհրդատվություն: Վերապատրաստումներն անցկացնելիս պետք է հիմնվել դաստիարակի ուղեցույցների վրա՝ «Ծննդից մինչև 6 տարեկան երեխաների զարգացման և կրթական չափորոշիչներ» և «Փոքր համայնքներում այլընտրանաքային ծառայությունների կազմակերպումը 3-6 տարեկան երեխաների համար»:

1.5.4. Հատուկ մանկավարժները/դաստիարակները պետք է ընտրվեն այն բնակավայրից, որտեղ իրականացվում է համայնքահեն ինտեգրված ծառայությունները: